

chen Sächsischen Landen also/ in Dresden/ ergangen/ daß Ihre Durchleucht/ der Herz Churfürst/ Johann Georg/ der Ander/ das ganze Land Ober-Sachsen/ darinn Wittenberg die Hauptstatt ist; Item/ das Land Meissen/ und die Marggrafschaft Ober-Lausnik/ zu sampt den Bergwercken/ behalte: Herzog Augustus bekomme den größten Theil von den Sächsischen Gütern in Thüringen/ sampt noch drey Aemptern: Herzog Christian/ die Unter-Lausnik/ so vil daran Sachsen hat/ und noch darzu 5. Aempter: Und dann Herzog Morik/ den Theil im Voigt-Land/ und im Hennebergischen; so vil nämlich daran sein Herz Vatter/ der alte Herz Churfürst/ hochseligsten Angedenckens/ gehabt habe. Ich bin aber nicht versichert/ ob man sich auff solchen Bericht gewiß zu verlassen habe. Zu Unterhaltung des Cammer. Gerichts zu Spener/ hat D. Johann Best/ Kaiserlicher Fiscal/ Anno 1576. im Augusto/ für den Herren Churfürsten zu Sachsen/ Jährlich ordinariè 309 fl. 34. kr. und cum augmento 515. fl. 56. kr. 2. heller. Und seyn die Bischoffthümer/ von denen hernach/ alle absonderlich angelegt. M. Christoph Schützer/ Pfarrer zu Dabrun/ unter der Special-Inspection Wittenberg/ schreibet in der scharffen Wasser-Ruhten Gottes/ zu Wittenberg Anno 1655. in 4. gedruckt; es sey/ vor wenig Jahren/ befunden worden/ daß unter Churfürstlicher Durchleucht zu Sachsen Schutz/ Schirm/ Landen und Gebieten 1342. Priester/ und Geistliche Ampts-Personen/ in Städten/ und